



Universitätsbibliothek Paderborn

Svmmvla Caietani

Cajetan, Thomas

Antverpiae, 1575

Violatio interdicti Ecclesiastici semper est prohibita.

urn:nbn:de:hbz:466:1-41716

In sensibilitas. 357

Peccatum insensibilitatis qualiter committatur.

Insensibilitas rarissimum peccatum est, quo quis si ne rationabili causa fugit delectationes sensibiles naturales. Et si inuenitur hoc peccatum mortale est: ut si quis horreret instantum delectationes sensibiles, ut necessaria ad cibandum seipsum subtraheret aut negaret debitum uxori, & breuiter necessaria praetermitteret. Aut ex lapidea natura constaret homo talis: ita quod forte non haberet tantum luminis & liberi dominii super suam malam complexionem ut mortaliter posset in hoc peccare.

Insipientia in quantum oppositum est sapientiae peccatum causat.

Insipientia pro quanto peccatum sonat contrarium sapientiae, male affectus mentis ad effectuè indicandum secundum primam causam, crimen est siue tollat à Deum ut finem suorum operū, siue ut prouisorem, siue totaliter iuxta illud, Dixit insipientis in corde suo, non est Deus. Sed tunc usque adeò excæcat ut infidelitatem inducat, qui enim primo operatur tanquam qui putat non esse Deum, non multum dicit ut putet & dicat in corde suo non esse Deum.

Violatio interdicti Ecclesiastici semper est prohibita.

Interdicti Ecclesiastici violatio peccatum videtur solummodo clericorum, quoniam solis clericis pena indicitur. Nec etiam est clericorum qualitercumq; sed pro quanto exercent aliquid certo ordini depuratum: ita quod nec ipsi clericis violent interdictum, nisi faciendo aliquem actum ordinis. Ex penitentiæ irregularitatis & suspensionis ab officio & beneficio, & ineligibilitate & impostulabilitate &c.

358 Interdic. Eccle. viola.

quas clericus violans interdictum incurrit, appareat peccatum esse mortale: tanta enim multiplicatio tam grauium poenarum, graue delictum supponit. Nec quantum ad hęc refert, an ipse clericus sit interdictus, an hęc faciat in loco interdicto. Intelliguntur autem in proposito appellatione clericorum non solum qui vere sunt clerici, sed etiam moniales quae nullius ordinis sunt capaces: ut patet in cap. postulatis, de clericis excommunicatis & cap. ministrante. Ita quod ipsae tunc violare intelliguntur interdictum, quando officiarent Ecclesiam ut prius, & breuiter illa ficerent quae clericis intelliguntur prohibita tanquam competentia ex ordine aliquo. Et quoniam imponitur eis multum grauis poenitentia (scilicet quod in arctiori debent retrudi monasterio ad agendum poenitentiam) apparent similiter peccatum mortale. Verum huiusmodi apparentia mortalis peccati, siue in clericis, siue in monialibus, non cogit fateri peccatum mortale: quia solae poenae sunt temporales, quas potest homo cum merito incurrire: ut patet in iudice qui incurrit irregularitatem iudicando iuste hominem ad mortem: omnes enim huiusmodi poenas aut maximas inter illas incurrit homo absque peccato. Et propterea sicut excommunicatio minor potest incurri absque mortali peccato, & tamen priuat hominem a maximis mysteriis sacris & necessariis singulis hominibus (quia priuat a perceptione sex sacramentorum) ita interdictum sicut & irregularitas & suspensio incurritur absque mortali peccato, quantum est ex parte poenarum, aliunde siquidem potest esse mortale, scilicet ex parte contemptus aut pracepti adiunctorum, si contingat aliquid horum adiungi. Dixi autem violationem interdicti peccati esse clericorum quatenus clericis: quia laici non propriè violent interdictum nisi faciendo a clericis illud violari: & tunc non minus

inclusus quam clerici peccant. Et in multis casibus hu-
iusmodi, incurunt laici excommunicationem: ut ha-
bes suprà in verbo, excommunicatio.

Sed si clericis violentibus aut non violentibus in-
terdictum, laicus interdictus aut in loco interdicto
audit diuina quæ ibi dicuntur, dicendum est quòd
peccat quidem, si ipse laicus est interdictus: quomodo
debet humiliter sustinere interdictum, & obedire ab-
stinentia à diuinis. Si tamen ipse non est in culpa,
nec est nominatim. Sed ut vnu de populo interdi-
ctus, & sine scandalo ex deuotione hoc faceret tan-
quam putans innoxias pias interpretationes pœna-
rum subuenire creditur excusari à tanto. Si autem
ipse non est interdictus, sed audit in loco interdicto,
non videtur peccare: quia ex quo ibi diuina dicuntur
ipso non auctore, melius est ut fructum ex illo malo
bonus percipiat, quam quòd abstineat: nisi hoc esse
fomentum clericorum ad non seruandum interdi-
ctum. Et similiter si celebrans admittit ad diuina ali-
quem interdictum non teneor ego exire: quia nō est
assignatum delictum participii in diuinis cum inter-
dicto sicut cum excommunicato: quantu[m] celebrans
incurrat, suspensionem ab ingressu Ecclesiæ: ut patet
in cap. Episcoporum. de priuileg. in vi. Aduerte hic,
quòd hodie nullus tenetur seruare interdictum à iu-
re vel à iudice positum, si non est contra certum lo-
cum aut personam denunciatum: quia sic in concilio
Constantiensi sub Martino quinto, indultum est: ut
pater in constitutione superius recitata in tractatu
de excommunicatione minore.

*Confessores qualiter se habere debeant cir-
ca pœnitentialem interrogationem.*

Interrogationes pœnitentium à cōfessoribus, pro-
pter finem huius operis occurunt hic inferendæ: